

INITIATIVES IN SCHOOL EDUCATION

OVERVIEW

Mihring hmasawna laimu ber chu education a ni a, chu chu ram khat eibar, mipui mimir nunphung (socio-economic fabric) chhawmdawl leh khairualtu pawimawh tak a ni. Nunxhaw nuam zawk nei thei tur chuan kan fate hi kawng tinrenga hmasawn a, ram tan khua leh tui tha tak an nih a tul a . Chumi ni tur chuan zirnaah (education) bulthut tha leh flo tak siamsak a tul takmeuh a ni. He thil tum (mission) tihlawhtling tur hian Ministry of Human Resource Development (MHRD) chuan department pahnih kaltlangin hna a thawk a ni:

- Department of School Education and Literacy (DoSE&L)
- Department of Higher Education

Department of School Education and Literacy hi ram puma zirna (Education) tihmasawn tura mawhphurtu a nih laiin, Department of Higher Education chuan kan ram higher education system, khawvel pum huap pawha lian ber pawl, United States leh China dawt chiah, chu a enkawl ve thung a ni. MHRD hian a hnuai organisation-te nen tangkawpin hna a thawk thin- National Council of Educational Research and Training (NCERT), National Institute of Educational Planning and Administration (NIEPA), National Institute of Open Schooling (NIOS), National Council for Teacher Education (NCTE) leh a dangte. MHRD huang hi a zau viau nachungin, he module hi chuan Department of SE & L in mitin huapzo zirna leh chu zirna quality chawikanna kawnga hma thar a lakte chauh a rawn thlurbing a ni.

Learning Objectives

He module a chhiar zawh hnuah zirtu chuan


- Department of SE & L-in school education atana hma thar a lakte – PGI, UDISE+, etc. school-a hlenchhuah tura ruahmante chu a hria ang.
- Samagra hnuai school education quality chawikanna atana objectives leh provisions awmte chu a hrethiam ang.
- Naupangten tawnhriat hmanga nuamti taka an zir theihna atan library lehkhabu hmanga reading habit an neih theihna tur te, sports, chuktuah huan (kitchen gardens), youth and eco clubs tea an inhman ve theihna turin school huang chungah hma a la ang.

INTRODUCTION

Kum 1976 hma lam kha chuan education chu state sawrkar (states) mawhphurhna a ni pumhlum thin a. Hemi kawnga rahbi thar pawimawh tak chu Constitutional Amendment, 1976-in education chu Concurrent List-a a dah ta kha a ni. A nihphung leh pawimawhna (substantive), sum leh pai (financial) leh inrelbawl dan phung (administrative) chuan Union Government leh State-te inkara mawhphurhna inpeizawn a phut a. Education-a State mawhphurhna tlangpuite chu tihdanglam a awm lem loh laiin Education-in hnam pum hupazo leh inkhai mar tak zia a putna tur kawngah te chuan Union Government chuan mawhphurhna lian zawk lak a remtih tak mai bakah level tina leh zirtirtute chenin an standard leh quality chawikang turin leh rampuma zirna tihchangtlunna atana mamawhte bih chianga chhawmdawl hnate pawh a kova nghah a remti ta bawk a ni. Universalization of Elementary Education (UEE) tihlawhtlin nan leh Secondary Education chawikang turin Government of India chuan Centrally Sponsored Scheme (CSS) ti a sawi thin program leh project hrang hrangte a chhawpchuak thin bawk a ni. CSS-te chu State/Union Territory (UT) tena scheme hleh chhuah tura an kalpui, amaherawhchu Central Government-in a sumpai mamawh tam zawk a tumsak thinte hi a ni a, State Government-in a tum ve tur zat bituk fel tak erawh a awm bawk.

National Policy on Education in a ruahman angin leh hleih awm miah loa mitinin education an dawn theihna turin leh ram mite theihna leh thiamna hmang tangkai thei ngei turin sawrkar chuan integrated approach hmang centrally sponsored schemes hrang hrangte hi a kalpui a ni. A tum tlangpuite chu: school education rualkhai taka dawn theihna leh quality chawikan; mi rethei leh hnuaihngung zawkte pawhin enhranna awm lova education an dawn theihna tura hmalak; leh education quality chawikan-te a ni.

MHRD chuan tunhnai maiah pawh hma thar chi hrang hrang a la a, chung zinga thenkhatte chu Performance Grade Index (PGI), UDISE+, School Audit (Shagunotsav) leh National Achievement Survey (NAS)-te a ni. NAS hi School Quality chawikanna tur leh, Samagra Shiksha hnuaiyah, administrative/governance leh academic programme-te huam telin, learning outcomes-ah hmasawna a thlen theihna tura ruahman a ni. Heng hma thar chi hrang hrangte hlawhtlinna erawh chu awmze nei taka kalpui a nih leh nih lovah te, level tina inrelbawlha tha leh national level leh school level-a institution hrang hrangte inkara inpawhna leh thawhhona thaah a inngat thung a ni.



SAMAGRA SHIKSHA — INTEGRATED SCHEME FOR SCHOOL EDUCATION

Ministry of Human Resource Development chuan kum 2018-19 khan Samagra Shiksha chu a kalpui tan a. He programme hi education sector atana huang zau tak, pre-school atanga class 12 thleng huam tel a ni a. Naupang tinte tana school kai theihna (opportunity) inrualkhai zawk leh hleih bikna boruak awm miah lova thiamna an puakchhuah theihna turin chhenfakawm zawka sikul zirna kalpui chu a tum ber a ni. A hmaa lo awm tawhte - Sarva Shiksha Abhiyan (SSA), Rashtriya Madhyamik Shiksha Abhiyan leh Teacher Education (TE) scheme pathumte chu he scheme-ah hian chhunfin a ni. He scheme hian tun hmaa project hmanga hmalak thinnate atangin school tinten kalphung fel zawk leh chhenfakawm zawk thiamna an pekchhuah theihna tura hmalakna lamah a inher ta thung a, chumi tihhlawhtlinna tur chuan state-te chu chhawmdawlina hrang hrang pek an ni bawk.

A blue banner with white text and two circular photos of school children. The text reads: 'A flagship programme aimed at all-round development of school children', 'Samagra Shiksha', 'Department of School Education & Literacy', 'Ministry of Human Resource Development', 'Government of India'.

A flagship programme aimed at all-round development of school children

Samagra Shiksha
Department of School Education & Literacy
Ministry of Human Resource Development
Government of India

He scheme hian 'school' chu pre-school, primary, upper primary, secondary-te atanga senior secondary thlenga pumhlum fel tak ni tura inkhaidiat chho thlap turin a duang a. Sustainable Development Goal (SDG) for Education-in a ruahman angin he scheme-hian a hmathlir ber chu education quality tha, huapzo leh mitin tana an mamawh zia ang leh thlei bik awm miah lo va chhawpchhuah ngei chu a ni.

Goal SDG-4.1 chuan "Kum 2030-ah chuan awmze nei leh chhenfakawm thiamna nei turin naupang zawng zawngten primary leh secondary education quality tha tak chu a thlawnin leh thleibikna boruak awm miah lovin an dawng hman tawh tur a ni." a ti a. Tin, SDG 4.5 chuan "Kum 2030-ah chuan hmeichhia leh mipa inthliarhranna zawng zawngte tihbo mai bakah mi hnuaihning zawk te, rualbanlo te, a tualto mi chengte

leh naupang chanhai zawng zawngten intluktlang takin education level tinte leh vocational training-te chu inthliar bikna awm miah lovin an kai tlang thei tawh tur a ni.” tiin a sawi bawk.

Ngaihtuahho atan


- Mipa leh hmeichhe inthliar hranna tihbo hian Sustainable Development Goal-te tihlawhtlinna kawngah engtin nge a puihang.
- Naupang rualbanlovin hlawhtling taka a zirna lamtluang a zawhchhuah ve theihna tura nangmahni school/institution ngeiin hma a lakna chungchang l thawhpui tu emaw ber nen sawi dun teh u.

Objectives of the Scheme

- Zirlaite thiamna puakchhuah (learning outcomes) tihpun leh zirna quality tha tak pek.
- School Education huang chungah mipa leh hmeichhiate (gender) inkarah leh khawtlang mite inkara inthliarhranna tihnep.
- School Education level tinte chu huapzo leh thlei bik neilo taka siam.
- School hawn theihna tura standard phutte chu a hniam thei ang bera dah.
- Eizawna tur lam tinzawna zirna (Vocationalization of education) chawikan.
- Right of Children to Free and Compulsory Education (RTE) Act, 2009 an kalpuina kawngah State-te puihbawm.
- SCERT/State Institutes of Education leh DIET-te chu zirtirtu training atana Nodal agencies an nihnaah tihchaka an dinhmun chawikan (upgrade)

Features of the Scheme

- School education quality tha, mitin tana ban phak siam turin hmun fal leh chengker deuhva school awmte chu Senior Secondary Level thleng nei tel zel thei tura upgrade
- School tinten dan bituk (prescribed norms) te an phak ve theihna turin infrastructure an mamawhte tumsak
- Library tihchangtlunna atan school tinte Annual Grant Rs.Rs.5000 – Rs.20,000/- thlenga pek



Module 5

- Composite school-te chu an enrolment azirin Rs.1 lakh thlenga pek. He Grant an dawn atanga 10% chu Swachhta Action Plan atana hman tur a ni ang.
- Sports bungrua atana Annual Grant Primary school tan Rs.5000/-, Upper Primary School tan Rs.10,000/-, Secondary & Senior Secondary school –te tan Rs. 25,000/- thlenga pek.
- Naupang rualbanlo (CWSN) pakhat tan kum tinin Rs. 3500/- leh CWSN hmeichhe naupangte tan thlatin Rs. 200/- chu Class I – 12 an nih thlenga pek tur a ni.
- Uniform manah naupang pakhat tan kum khatah Rs. 600/- dawntir tur.
- Textbook manah naupang pakhat tan kum khatah Rs. 250/450/- dawntir tur.
- Kasturba Gandhi Balika Vidyalayas (KGBVs) class 8 atanga Class 6-12- te chu upgrade vek tur.
- Zirtirtute quality tihmasawn turin Teacher Education institution SCERT leh DIET-te tihchak.
- Zirna huangchhungah digital technology chhawr tangkai zel a nih theihna turin Smart Classroom-te, digital board-te leh DTH channel-te hman uar deuh deuh tur.
- RTE Act, section 12 (1) hnuai reimbursement huam telin State leh UT-ten RTE Act-in a phutte an hlenchhuah theihna tura puih.
- Naupang chanhaite leh hmun chengker deuha chengte tan residential school leh hostel dinsak.
- Education lama rualkhai zawka hmasawna a thlen theihna turin Educationally Backward Blocks (EBBs), LWEs, Special Focus Districts (SFDs), Border areas leh NITI Aayog-in a lo thlan chhuah tawh Aspirational district 117 te chu ngaihpawimawh bik an ni ang.

Ngaihtuah ho atan

A nihphung (features)-te ngaihtuahin 'Samagra Shiksha' hi a hming nen hian a inremna te han sawiho teh u le.


He Scheme-in a ngaihpawimawh ber chu 'T'pahnihte tia sawi mai – Teacher leh Technology kawhzawn bika school education quality chawikan a ni. He scheme-in hma a lakna zawng zawngte phena a thil tum ber chu school level tina thiamna puakchhuahte (learning outcomes) tihpun zel a ni. State-te leh UT-ten scheme norms leh resource an neihte hre reng chungah an hmalaknate leh kalpui dan tur ruahmanna an siamna kawngah zalenna thui tak nei thei turin he scheme hi duan a ni. Tanpuina

sum (fund) pek dan tur pawh tehfung fel tak – naupang neih zat (students enrolment), tih tur hmachhawpte (committed liabilities), thiamna puakchhuah (learning outcomes) azir te leh performance indicator chi hrang hrangte hmanga teh tur a ni.

School education level tina naupang tlakchham leh chatlak awm lova mar tha taka inchhawm chho zel thei turin he scheme hian a puih mai bakah an zirna lamtluang zawh zo ngei thei turin naupang tinte banphakah zirna chu a chhawpsak dawn a ni. Teacher education chhunfin hian school education huangchhunga peng hrang hrangte chu zaikhata luan tirin inzawmna tha tak nen hnathawh a tisawt zawk dawn a ni. Unified Calendar-te, subject zirtirna lama kawng thar dap chhuah te (innovations in pedagogy), in finchhuaha inkaihhruaina (mentoring and monitoring) etc. te hmangin hma thar lak a ni zel thei dawn a ni. Mamawh danzia ang zelin leh chak taka in-service training zawng zawngte chu pe a kaihruai zel tura Nodal Agency an nih theihna turin SCERT-te chu a pui bawk ang. Hemi piah lamah pawh, state leh UT-te leh khawtlanga mi chitinte chu technology chhawr tangkai theiin leh zirna quality tha dawng thei vek turin a pui dawn bawk a ni.

Implementation of the Scheme

State /UT level-ah chuan State Implementation Society (SIS) pakhat kaltlangin he scheme hi Centrally Sponsored Scheme hnuacia kalpui a ni. National level-ah chuan MHRD minister-in a kaihhruai, Governing Council leh Secretary, Department of School Education & Literacy-in a kaihhruai Project Approval Board-te a awm a ni. Governing Council chu financial leh programme norms-te khawih danglam (modify) thei turin thuneihna pek a ni a, he scheme huang chhunga scheme kalpui dan tur a kipakawia tarlan a Guidelines chu a lo pawm (approve) thei bawk. He council thu neihna chuan school education quality tihmasawmna tura kawng thar dap chhuahte (innovations) leh hmalakna (interventions) zawng zawngte pawh a huam tel bawk ang. Access, equity leh zirna quality tha a awm theihna tur kawnga technical support a mamawh chu pe turin he department hi Educational Consultants of India Limited (Ed.CIL) hnuacia Technical Support Group (TSG)-in a puibawm a ni. He TSG hi a hmaa SSA, RMSA leh TE scheme hnuacia TSG-te kha finkhawma din a ni. State tinte chu school education sector pumpui atan ruahmanna (plan) fel tak pakhat buatsaih theuh tura beisei an ni. Heng North-eastern state 8-te – Arunachal Pradesh, Assam, Manipur, Meghalaya, Mizoram, Nagaland, Sikkim leh Tripura-te leh Himalayan states viz. Jammu & Kashmir, Himachal Pradesh leh Uttarakhan-te tana he scheme hnuacia sharing pattern dinglai chu



90:10 a nih lain Legislature nei State dang zawng zawngte leh Union Territory-te tan chuan 60:40 a ni thung. Legislature nei ve lo Union Territory-te tan erawh chuan 100% centrally sponsored a ni. Hei hi Rationalisation of Centrally Sponsored Schemes chungchang rela Sub-Group of Chief Ministers in a recommendation, October 2015 -a a theh luh anga duan a ni.

Components of the Scheme

Pre-School Education

Samagra Shiksha duanphung (framework) hian, research studies tam takin a lo tarlan tawh angin , Pre-school education mamawhna leh pawimawhna a hrechiang a. Pre-school zirna tha chuan school-ah naupangte thiamna leh theihna a tipung mai nilovin, an thanchhoh zelna tur atan te, zirna lama hma an sawn zel theihna atante bulthut (foundation) tha tak a siamsak a, tin, rilru hrisel leh zir chakna thinlung a siamsak bawk a ni. Chuvangin pre-school education quality tha tak naupangte tana chhawp chhuahsak chu tihmakmawh a ni. Samagra Shiksha hnuaiyah hian pre-school education hi tuna kalpui mek Padhe Bharat Badhe Bharat programme-a bet ve tlat leh pawimawh berte zinga ngaih a ni. He programme hian early language leh literacy leh early numeracy te chu primary school zir tantirh tea zirtir a ngaipawimawh hle a, chu chuan pre-school leh early grades (classes 1-3) in chhawrdawh danzia pawimawh tak a tarlang tel a ni.

Samagra Shiksha chuan state sawrkar-ten an school-a pre-school zirna hawn tel an tumna kawngah a pui ang. Hemi atan hian Ministry/Department of Women and Child Development nena tangkawpin a theih chenchenah anganwadi hnaivaite chu primary school-ah behtir turin leh curriculum development-ah te puihna pek an ni ang. Naupang kum 4-6 inkar tana duan pre-school program chu kum 2 chhung a ni ang. UDISE 2015-16 chuan government primary school 41.3% chuan an school-a betel anganwadi centre an nei tih a tarlang a. Heng anganwadi-te hian naupang kum 3-6 an enkawl a nih chuan chung zinga kum 4-6 te chu pre-school naupang anga chhiar tur an ni ang. UDISE 2016-17-in a tarlan danin primary section nei zawng zawng 12.36 lakh zingah 2.94 lakh (24%) in pre-primary section an nei tel a ni. Naupang 1.36 crore te chu pre-primary section ah enroll an ni a, chung zingah chuan 0.36 crore chauh chu government school-a kai an ni. State government in an formal primary school-ah pre-school belhtel ve an duh chuan he scheme hian chumi tur chuan a pui ang.

Sanitation facilities tha leh curriculum duanchhuah, learning activities, pedagogical practices leh assessment; zirtirtute tana professional development leh community participation and engagement-te zawng zawng nen huam telin he scheme hian infrastructure guideline fel tak a buatsaih a. Curriculum development buaipui tur te, anganwadi worker-te training pek hnua school headmaster-te kaihhrudaina hnuaia thawhtir te leh learning materials tam zawka neih theihna tur chung changah Ministry of Women and Child Development nena insuihzawma thawh dun theih ngei a tum bawk a ni. Pre-school thuam chakna turin state-te leh UT-te chu school pakhat zel atan Rs. 3lakh thleng pek an ni bawk.

Eng vangin nge school education quality chawikang turin pre-school education hi ngaih pawimawh a lo nih tak em em ? Nangmahni state/UT ah pre-school education kalpuina kawngah eng harsatnate nge awm le ?

Inculcating Reading Habits among Students:

Library Grant under Samagra Shiksha (Padhe Bharat Badhe Bharat)

Kum 2018-19 atanga centrally sponsored scheme hnuaia kalpui tan tawh Samagra Shiksha kal tlang hian Padhe Bharat Badhe Bharat programme hnuaia hmalaknate pui tur leh naupangte rilrua lehkha chhiar ngainatna tuh turin school library tihchangtlunna hna kalpui a ni. He hna hian government school-ten lehkhabu tam zawk an neih theihna turin library grant pek te pawh a huam tel a ni. National Achievement Survey 2017 findings khan lehkhabu chhiarin an zirlaite thiamna kawngah naupangte chu a pui nasa tih a tilang chiang em em a ni. A vawi khatna atan a hranpa liau liauva sikul ten annual library grant an dawn theihna tur provision chu siam a lo ni ta a. He provision hian primary atanga senior secondary school-te a huam a ni. Primary atanga Senior Secondary school te tan Library Grant Rs. 5000 – Rs. 20,000 thleng phalsak an ni, hetiangin :-

1. Primary school tan Rs. 5000/- leh upper primary school tan Rs.10,000/- thlengin
2. Composite elementary school (classes I to VIII)-te tan Rs.13,000/- thlengin
3. Secondary school (Classes 9 and 10)-te tan Rs.10,000/- thlengin
4. Pawl 6 atanga 12 te tan Rs.15,000/- thlengin
5. Composite secondary school (Classes 1 to 10) te tan Rs.15,000/- thlengin
6. Composite secondary school (Classes 9 to 12) te tan Rs.15,000/- thlengin

Module 5

7. Senior secondary school chauh (Classes 11 and 12) te tan Rs.10,000/- thlengin
8. Composite senior secondary school (Classes 1-12) te tan Rs.20,000/- thlengin
9. Heng grant te hi kum tinin pek a ni ang.

Activity

Mi tinte chu hengte hi i siamtir ang:-

- Kum nga (5) chhunga a lehkhabu chhiar zawng zawngte zizh chhuah
- Naupangten an chhiar duh ngeia an rin lehkhabute list-tir rawh
- Chung list-te chu chart paper-ah te belin bangah tar vek la, chumi hnuah mitinte chuan chung thil intarte chu enkualin naupangte chhiar atana an duh leh an school library-a dah atana an duh lehkhabu hming te thlan chhuahtirin ziahtir rawh.

Padhe Bharat Badhe Bharat (PBBB) hnuaiiah library atana sum awm chu naupangten a awmzia hriaa lehkhabu chhiar an thiamna tura hmanna tangkai a ni thin. Pawl hniamz awk (early grade) atanga secondary level thleng pawhin ziktluak taka chhiar thiam tur chuan taima taka zirbelh zel a tul a, chumi atan chuan library-ah lehkhabu te, journal te, magazine-te leh chhiar tur hrang hrang tha leh tharlam tak takte dahbelh fova tihchangtlun deuh deuh tur a ni.

Sports Grant under Samagra Shiksha (Khele India Khile India)

School-a sports huaihawt hi naupangte tan chauh ni lovin educational system pum tan a tangkai em em a ni. Sports hian physical, affective, social leh cognitive lamte a tihmasawn a. Tin, hemi piaah lamah midangte nena khawsak ho thiamna (social skills)-te, nungchang mawi (social behaviour)-te, nunphung (lifestyle)-te, mahni inngaihnep lohna (self-esteem)-te a chher chhuahtir sak mai bakah thiamthil zir bingna (pro-school) ngaihhlut nachang te a hriattir bawk.



Sports tangkainate chu a tam hle a ni. Physical activity-te leh exercise-te chuan rilru leh taksa rualkhai taka thantirin aerobic leh anaerobic physical exercise-te chu taksa hriselna tana a tangkaina te hrethiam turin leh mahni inrintawkna a neihtir bawk a ni.

Midangte nena inhmelhriatna leh inkawmna hun tha a siamsak a, khawtlanga a tih turte hlenchhuak ve thei turin a pui a, midangte nena chen ho thiamna (dawhtheihna leh midangte zahder thiamna ang te) a

neihtir a, team ang emaw, a huho emaw anga thil tumte hlenchhuak tura mahni insiamrem (midangte mil leh thurualpui) thiamna te a pek mai bakah thluak leh insumtheihna te a tichak bawk a ni.



Naupangte hmasawna famkim (holistic development) nei tura games leh sports-ah te an telve theihna turin a vawi khatna atan Samagra Shiksha hnuaiyah hian sports bungrua leina turin grant dawn theihna provision siam a ni ta a ni. Government primary school tin ten sports grant Rs. 5000/-, upper primary school ten Rs.10,000 /-, secondary leh senior secondary school ten Rs.25,000/- thlengin an dawng ang. He grant hi indoor leh outdoor games atana bungraw mamawh leina atana hman tur a ni.

Composite School Grant

School bungraw chhe tawh thlakthlengna atan te leh infiamna hmanrua, sports bungrua, laboratory-te, electric bill-te, internet, tui, teaching aids etc, atana sum mamawhte puhrukna turin he scheme hian government school zawng zawngte tan annual recurring school grant a phalsak a ni. Annual composite school grant chu school-in zirlai a neih zat azirin Rs.25,000/---Rs.100,000/- thlengin a ni a, a danglamdan tehna chu a hnuai table-ah hian tarlan a ni :

Number of students in school	School Grant
≤ 100	Rs. 25,000/- (including at least Rs. 2,500 for <i>Swachhta</i> action plan)
> 100 to ≤ 250	Rs. 50,000/- (including at least Rs. 5,000 for <i>Swachhta</i> action plan)
> 250 to ≤ 1000	Rs. 75,000/- (including at least Rs. 7,500 for <i>Swachhta</i> action plan)
> 1000	Rs. 1,00,000/- (including at least Rs. 10,000 for <i>Swachhta</i> action plan)

Module 5

Promoting Inclusive Education

SSA, RTE leh RMSA scheme hnuai a te khan naupang rualbanlote (CWSN) tana inclusive education hi hmalakna langsar tak a ni thin a. Kum 2018-19 atangin Samagra Shiksha chuan naupang zawng zawngte tan, CWSN-te tiamin, education quality thazawk dawntir chu a ngaipawimawh em em a ni. Chuvangin hei hi Samagra Shiksha hnuai a component pawimawh tak leh hmalakna lian berte zinga mi a ni reng a ni. He component hian student oriented activities hrang hrangte chhawmdawl na a kengtel a, chung activities-te chu naupang rual zingah rualbanlo (CWSN) awm ve te hmuhchhuah (identification) leh rual an ban lohna teh (assessment), anmahni enkawl na tura mamawhte- aids, appliances, corrective surgeries, Braille books, large print books leh uniform, therapeutic services, teaching-learning material siam, assistive devices leh equipments, environment building leh miten CWSN-te lakah rilru dik leh an dinhmun hriatthiamna an neih theihna tura awareness, instructional material leisak emaw siam sak, special educator-te tana in-service training leh general teacher-te tan curriculum adaptation training pek te, rualbanlo hmeichhe naupangte stipend pek te, etc. Tin, he component hian CWSN (kum 6-14)-te tana RTE Act, 2009 hnuai an chanvot tha taka tihhlawhtlin chu a ngai pawimawh hle baw k a ni.



Samagra Shiksha hian tun dinhmunah chuan naupang rualbanlote (CWSN) class I – XII thleng tha thlah miah lo leh huamkim thei ang bera chhawmdawl a tum a ni. Direct Benefit Transfer (DBT) hmangin CWSN) hmeichhe naupang class I – XII te chuan thlatin stipend Rs. 200/- an dawng dawn a ni. Tunhma kha chuan class IX – XII-te tan chauh a ni thin. Kum tina CWSN ten an dawn theih zat sumfai chu Rs. 3000/- atangin Rs. 3,500/-ah tihsan a ni baw k. Hemi pialmah pawh special educator resource persons hlawh te tisangin resource support tepawh siam a ni a, hei hi school-a CWSN awmte mamawh zawng zawng hneh taka phuhru tura ruahmanna a ni.

Kasturba Gandhi Balika Vidyalaya (KGBV)

Dinhmun leh gender inan loh vanga inthliarna awm theite tihreh leh a kar tihzim hi Samagra Shiksha in a tum ber te zinga pakhat a ni a. Kasturba Gandhi Balika Vidyalaya (KGBV) hnuaiia upper primary level leh secondary level-a girls' hostel-te chu chhunfinin hmeichhe naupangten Pawl XII thleng harsatna tawk lova sikul an kai ngei theih nan hostel leh sikul ngaihtuhsak an ni.

He scheme hian dinhmun harsaa ding hmeichhe naupang kum 10-18 inkar, Pawl VI-XII thleng zir duh ten zirna tha an dawn theihna tur a ngaihtuhsak a. Heng hmeichhe naupang, a bikin SC, ST, OBC leh hnam tlem zawk te leh BPL chhungkuua mite hian harsatna tawk lova elementary atanga secondary school mai bakah Pawl XII thleng an zir theihna tura ruahman a ni.

KGBV hnuaiia upper primary school-te chu Pawl XII thlenga tihchangtlun theihna Samagra Shiksha scheme hnuaiia hian a awm a. Zirna lam a hniamna deuh hmunch hmeichhe naupang Pawl VI atang Pawl XII zirlaite tan scheme dang atangin residential school a awm loh chuan he scheme hmang hian residential school pakhat tal awm tura ruahman a ni.

He scheme ina a enkawl tumte chu hmeichhe naupang kum 10-18 inkara, Pawl VI-XII zir duh, SC, ST, OBC, BPL chhungkuua leh hnam hnuaihngung zawka mite an ni a. Building sak nana non-recurring grant bakah Samagra Shiksha hian a hnuaiia mi ang hian kum tin recurring grant, thawktute hlawh tiamin a ruahman a ni.

- | | |
|----------------------------------|--------------------------------|
| 1. Pawl VI-VIII KGBV tan | - kum khata Rs 60 lakh thleng |
| 2. Pawl VI-X te | - kum khatah Rs 80 lakh thleng |
| 3. Pawl VI-XII tan | - kum khatah Rs 1 crore thleng |
| 4. Pawl IX-XII Girls' Hostel tan | - kum khatah Rs 25 lakh thleng |

Kum 2018-19 chhunga KGBV 5970 ruahman atang hian, a takin KGBV 4842 kalpui a ni a, hengah te hian zirlai hmeichhe naupang 5.91 lakh an lut a ni. Kum 2018-19 chhung khan KGBV thar 35 ruahman belh a ni a. Kum 2018-19 chhung khan KGBV 1232 te chu Pawl VIII atangin Pawl X/XII thleng nei tura tihchangtlun an ni.

Module 5

Self Defense Training (RAKSHA)

Kan ramah hmeichhiate laka hleihlenna hian tleirawlte seilenna te, an hmasawna te, an zirna leh an hriselna kawngah te harsatna a thlen a. National Crime Records Bureau (NCRB) in a report dan chuan, hmeichhiate laka hleihlenna hi kum eng emaw zat atang khan a pung a. Hei pawh hi report dawn atang chauha hriat theihthe an ni.

Hmeichhiate laka hleihlenna a nasat chhoh avang hian, tleirawlte inven nan leh mahni inhumhim thei turin self-defense training an neih a tul hle a. Self-defense training hi life skill pawimawh tak niin, tleirawlte chuan an chhehvel boruak an hriat chian a, thil tha lo thleng thut laka an inven theih nan an neih a ngai a ni. Self-defense training hmang hian tleirawlte chuan harsatna an tawh pawha an rilru, taksa leh ngaihtuahna te an inrin/inpeih theihna turin zirtir an ni. Hetiang training hian school drop out rate a titem thei a, tleirawlteah mahni inrintawkna tuhin an zirlaiah hmasawna a thlen a. Secondary an zawh hunah higher secondary zir thleng thei turin a tanpui thei a ni.



Self defense technique hmang hian tleirawlte chhungrila awm chakna hai chhuah a ni thei a. Hun harsa tawn palh a awm chuan martial arts thiam kher nih a ngai lova. Awmze neia nem, tlawh, pet, hnek an thiam chuan amah tibuitu lakah a invenghim thei a ni. Nitina hmeichhiate pai chhuah thin tlangpui – key chain, stole, shawl, muffler, bag, pen, pencil, notebook, etc.-te pawh hmanruaa hman dan zirin mahni inven nan a hman theih a ni.

Samagra Shiksha chuan sawrkar sikula Pawl VI-XII zirlai hmeichhe naupangte self-defense training atan hian mi pakhat tan thla tin Rs 3000/- , thla thum chung a ruahman a. Kasturba Gandhi Balika Vidyalaya (KGBV)-a lut hmeichhe naupangte pawh a huam a ni. Hemi atana sum mamawhte hi Ministry of Women and Child Development hnuacia Nirbhaya Fund bakah sawrkar laipui, Police Department, Home Guards, NCC leh state kalpui mek scheme-te atanga pawh khawm dan State/UT-te chuan ngaihtuah ni se tih a ni.

School Safety


Naupangte zirna chu an thanlenna leh hmasawna atana him, muanawm leh an zahawmna an vawn theihna hmun a ni tur a ni a. School himna kan tih hian naupangte taksa himna leh an chenna school building

leh chhehvel him chauh a huam tawh lo a ni. School him lo chuan inhremna uchuak chauh a kawh tawh lova. Inhnehchhiat te, kut inthlak te, mipat hmeichhiat lam hawia rilru leh ngaihtuahna in hliam sak te mai bakah thihna hial thlen thei te pawh a awm a ni. Tharum thawhna leh thil thleng rapthlak tak tak – inthah, kut inthlak leh pawngsual te chu school-ah a thleng tih report a awm fo a. Naupangte tan hian internet leh video hmangin tharum thawhna, dan bawhchhiatna, ruihhlo leh zahmawh rawngkai enna awlsam mai bakah ruihhlo, zu leh meizial te pawh hmuh mai tur a tam tawh a. Chutih rualin an nu leh pa, zirtirtute leh thiante atangin exam pressure an tawng bawh a. Hei hian anmahniah kawhmawh bawl duhna emaw rilru thawpik leh nguina emaw thlenin, a then phei chu an intihlum hial a ni. School hotute, principal te, zirtirtute leh thawktu dangte hian naupangten harsatna hrang hrang an tawhte hi en liam chin an nei thin a. Heng zawng zawng avang hian school him kan neih theih nan sawrkar laipui chuan school hotute, zirtirtute, zirlaite, nu leh pa te leh counsellor te rawnin inkaihhruaina felfai leh rintlak a duang mek a ni.

Jaago Badlo Bolo

India rama state pakhat Telangana hnuai State Education Department chuan mipat hmeichhiat kawnga naupangte laka hleihlenna titawp turin POCSO Act chungchangah Police department nen tangkawpin Jaago Badlo Bolo campaign hi kum khat chuang an lo kalpui tawh a. Headmaster leh zirtirtute chu hemi chungchangah hian training pek an ni.

Counsellor hi school zawng zawngah awm se tih chu duhthusam a nih laiin, trained counsellor te indaih lohna avangin zirtirtute chu counsellor ni thei tura train theih an ni a. Zirlaite nungchang atangin an harsatna tawhte hre thei a, titipui thei turin training pek theih an ni. Education department hnuai training programme awmte khaihawm turah hian zirtirtute chu heng topic hrang hrangah te hian zirtirna pek an ni – counselling, POCSO Act leh JJ Act chungchang, School Safety guidelines, helpline leh emergency phone number, complaint theihluhna drop box, etc. School zawng zawnga Pawl I-XII zirtirtute tan Rs 1000/- chu hemi atan hian ruahman a ni a. School tinin display board-ah helpline/emergency number leh contact person hmang an tar tur a ni a, hemi atan hian school tin tan Rs 500/- ruahman a ni bawh.



Module 5

Rangotsav

Zirlaiten India rama hnam zia rang hrang hrang an hmelhriat theihna atana Ministry of Human Resource Development (MHRD) hmalakna a ni a. He programme-ah hian ram chung hmun hrang hrang atangin zirlaiten anmahni hnam zia rang an entir vek avangin zirlai naupangten hnam ziarang tha tak tak leh mawi tak tak hmuhna remchangah an hmang thei a ni. Zirlaite, zirtirtu leh hemi kawnga mawhphurtu dangten inelna leh endikna hnuai ni lova thil an tih ho theihna pakhat atan he cultural programme Rangotsav hi December ni 7 – 21, 2018 khan neih a ni. Rangotsav in a tum tlangpuite chu-

- School community-a mite heng zirlai, zirtirtu leh staff member dangte talent leh thiam thil ngaihhlutsaka haichhuakin chung an talent hmang chuan school environment chu hlim taka an zirlai an thiamna hmun a nih theihna tura buatsaih.
- Naupangten an kum mil zel leh phak tawk ang zela India ram hausakna hrang hrang heng culture, tawng, geography, ei leh in leh a dangte an lo hmuh thiam ngaihhluttir a, anmahni pawhin an pho chhuah ve theih nan.
- Ek Bharat Shreshtha Bharat thil tum tih hlawhtlin a nih theih nan ruahman lawkna fel tak siamin hnam inpumkhatna siam.
- Sikulah joyful learning activities a lo awm theih nan Rangotsav zawh hnuah pawh integrating arts practice chhonzawmtir zel.
- Rangotsav hian ngaihhlut leh ngaihpawimawh a hlawh hle. Ram pumah sikulten zirtirtu leh zirlaite tan cultural gates an hawn sak theihna turin tan an la a, hei hian ram pum huapin artistic talent chawisanna kawngah a pui a ni.
- School level-a activity Bhasha Sangam leh a dangte bakah Rangotsav-ah hian events tam tak regional, state, zonal leh national level-in buatsaih a ni a, chungte chu National Children Assembly and Integration Camp, national level folk dance, national level role play, Kala Utsav, Sangeet Kala Sangam leh Inter School Band Competition te an ni.

School based Assessment (Annual Achievement Survey)

Learning outcome assess a nih theih nan he department hian hun bi neiin National Achievement Survey (NAS) buatsaihin hma a lo la reng tawh a. Hemi kawnga mawhphurtute nen sawi hova inrawntlan a nih hnuah a kalphung tur hi siam a ni. 2017-18 kuma NAS result hi vantlang hmuh theih turin pho chhuah a ni tawh nghe nghe a ni. NAS 2017 a neih atanga thil hmuhchhuah leh Learning outcome tihmasawn nana NCERT in pilot

survey a buatsaih zulzuiin Elementary level-a school naupang zawng zawngtech Learning Outcomes assess turin 2019-ah School Based Assessment (SBA) buatsaih turin thu tihtluk a ni a, sikul tinin anmahni sikul theuh tan quality tha leh naupangte tana huphurhawm loh zawngin an buatsaih tur a ni.

Learning Outcome duhthusam a awm theih nan hetiang evaluation technique changtlung leh tha mai bakah awmze nei hi a pawimawh em em a, quantitative evaluation leh qualitativative hi chuvang chuan a tul a, hei hian logical continuum a siam a ni.

Constitution of Youth Club and Eco club

Nun khaw chhuahna a tana pawimawh chi hrang hrang te, mahni inrin tawkna te, tling ve tawk nia inhriatna te, rilru pau khauhna te, hlauhthawna, zahna leh rilru hahna a lo thlen pawha a ni lo zawnga ngaihtuahna nei lo tur tein school-a Youth club hi hmanraw pawimawh tak a ni.


An zirlaiin a huam loh leh tel lo, min hualtu, kan chhehvel pawimawhna leh nihna tak hrethiam turin naupangte a puilin, kan chhehvel boruak vawnfai leh thuam that kawngah hma la tur pawhin Eco club hi naupangte tan hmalakna remchang tak a ni a, nu leh pa leh khawtlangte fin chhuaha fuihtu tangkai tak a ni.

School tinah Youth leh Eco club-te dinin chungah chuan inhnial fiam, music, arts, infiam, lehkha chhiah leh an tih theih tur chi hrang hrangte siamin school banah emaw chawlh laiin emaw tihpui ni sela. Tichuan, school leh a chhehvelte kan hmang tangkai ang a, naupangten an tui zawng te, an thiam zawng te, nuam an tih te hmuh chhuah nan an lo hman phah dawn a ni.

Eco club emaw Youth club emaw din turin elementary stage atan kum khatah Rs 1500/-, secondary-ah Rs 25000/- pek theih a ni.

Transport and Escort Facility

School awm hnaih lohna tlangram leh mihring awm tam lohna hmuna cheng ten school an kal ve theih nan he ruahmanna hi siam a ni a. Vohbik naupangte (CWSN) leh Pawl I-VIII chin naupangte tan a ni. Heng naupangte hian in sengso lova school hmun an thlen theih nan naupang pakhat tan kum khatah Rs 6000/- thleng siam a ni a, hei hi a kal thui dan kilometer azira pek tur a ni.



Module 5

Free Uniforms and Textbooks

Naupang ten school neitu nihna rilru an put theihna atan he scheme hi ruahman a ni a, Samagra Shiksha hnuaiah SC/ST/BPL-a mi hmeichhe naupang Pawl VIII thleng tan kum khatah Rs 400/- ni thin kha Rs 600/- ah tihsan a ni.

Text book hi zirna that leh that loh tehna ber pakhat a nih avangin a lan dan, ziah dan phung, eng paper nge hman tur, paper size, ink, a chhut leh a bind dan te hian a hril thui hle. State textbook ngei neih a, Government/Aided school-ah te primary school naupang pakhat tan Rs 150/- ni thin kha Rs 250/- ah, Upper primary tan Rs 250/- atangin Rs 400/- tih a ni ta a. Pawl I leh II zirlai naupang pakhat tan tribal tawnga awm Primers/textbook English emaw State language emaw a dah nan Rs 200/- a awm bawk.

Strengthening of CRCs – Mobility support to CRCs

Sikul hmunhma leh an thil neih te, an inenkawl dan/inawp dan te a khat tawka a that leh tha loh endik te, zirtirna lama harsatna an tawh pawha tanpui dan tur duan te hi zirtirtu ten hmasawna an neih nan thil pawimawh tak a ni a. School-in hma a lo sawn zel nan Cluster Resource Center-a thawktu ten hunbi mumal tak siamin an hnuai school-te a flawh ang a, meeting te neiin zirnaa hma an sawna turte a sawipui thin ang.

Reporting by the BRCs

An huam chhunga zirnaa harsatna a awmin BRCs/URCs te hian an zir chiangin a sut kian dan tur duang thin tura beisei an ni a. Chutiang ti thei tur chuan an thawh dan tur fel taka duan a ngai a, an huam chin school-te tan pur chawkna hmun ber a ni tur a ni.

Block Resource person te hi tangkai taka hman an nih theih nan mumal taka training nei tawh an ni tur a ni a. Mawhphurhna leh tih tur bik nei theuh ni mahsela, zirtirtute, principal te, block leh cluster resource person te hi platform inang, zirlai inang pein kaihraina pek tur an ni.

Classroom-a an zirtirnaah an training laia an thil zirte an hman tangkai dan enfiah turin BRP-te chuan school an flawh fo thin a pawimawh. Central Server-ah Mobile App hmangin report siam tur a ni ang.

School Management Committee (SMC) Training

SMC chuan kum khatah vawi li meeting an nei ang a, an neih ni tur chu State sawrkarin a hriattir ang. Cluster Resource Coordinator-in training a

buatsaihsak ang. An hnathawh leh meeting an neih te quarterly report pekna tur mobile app siam a ni ang.

Plan mumal tak siam a nih chuan kum khatah school pakhat tan an hman tur Rs 3000/- thleng pek theih a ni.

Display of logo of Samagra Shiksha


Scheme hmathlir leh nihphung lanna chu logo hi a ni a, logo hian sikul te, zirlai te, veng leh khuate a tipumkhat thin. Tunhmaa SSA logo school banga ziah thin pawh kha khawtlangin an hlut hle a ni. Chuvangin, school zawng zawngin an school chhehvel langsar laiah logo an tar vek hi a pawimawh a, Samagra Shiksha logo leh a scheme hnuaia thil hrang hrang – free textbook, free uniform te tarlang telin school zawng zawngin an tar a tul tawh dawn a ni. A design chu MHRD-in a la siam ang.


Credible Data, Accountability, and Awards

UDISE+

Kan ram pumpuia school chungchanga hriat tur pawimawh zawng zawng (data) khawn khawm hi Unified District Information on School Education (UDISE) tih a ni a. Kum 2018-19 atang chuan UDISE hi kim chang zawka siam thain UDISE+ (UDISE Plus) application a hmang tawh ang. Data khawn khawm baka UDISE kalphung tur tlangpuite chu: -

- Raw data a hmangtute hriatthiam tura dahchhuah dashboard siam a ni ang a, thil thleng thar leh hmasawna awmte en zung zungna tur a ni.
- UDISE Plus hian School Geo-Portal (GIS mapping) a thlunzawm ang a, school report card pawh hmuh theih a ni ang.
- Data chu quality tha tak a ni theih nan third party verification atan module hrang leh mobile app siam a ni bawh ang.





Module 5

Performance Grading Index (PGI)

School Education-a state leh UT-te tihthat dan (performance)-ah grade pekna tur a ni a, chi 70 in teh an ni dawn a ni.

- State pakhat aia tam pawhin grade inang an hmu thei a, State leh UT 36 te hian an thlen theih sang ber an thlen thlenga teh tur an ni. Online recruitment te, teacher transfer te, zirtirtu leh zirlaite electronic attendance atan State leh UT ten an hman theihna tura duan a ni.
- PGI-a indicator 70 hi hmun hnih – Outcomes leh Governance processes-ah then a ni. Outcomes hi paliah then leh a ni a, chungte chu – learning outcomes, access outcomes, infrastructure & facilities leh equity outcomes te an ni. Governance processes in a huamte chu – attendance, zirtirtu rintlak dan, sikul in relbawlina a that tawk dan, training, lang tlang leh rintlak an nih danah te a ni.
- Indicator pakhatin mark 10 emaw 20 emaw a pu a, total mark chu 1000 a ni.

Shagun Portal

Ni 18 January 2017 khan Human Resource Development Minister-in Shagun portal – www.seshagun.nic.in a hawng a. Module pahnih a awm – (1) Repository of innovation leh (2) Online monitoring.

Digital Repository

State leh UT ten mahniin hmun (digital repository) an nei vek a, zirtir dan tha zawk zir dan phung tha zawk hriat leh hmante inhriat tawna leh dahna hmun a ni. Heng zirtir dan thar chanchin inhriat tawn hian chona a siamin midang tih dan tha en atangin tih dan phung pangngai atanga hmasawna a awm thei dawn a ni. Hmasawna thar leh zirtir dan tha awm ang angte chu case studies, videos, testimonials leh image hmangtein he hmunah hian dah that a ni.

Mipui mimir, chanchinbu mi, zirna lam thlur bing tute leh zirna lama inhnawih zawng zawng ten elementary education-a mi hlawhtlinna leh zirtirna lam hawia hmuhchhuah thar an neihte intawm theiha dahna leh sem darhna hmun a ni. Shagun Repository-ah hian best practice-ah videos 296, case studies-269, testimonials-151, 4586 thlalak a awm mek a ni.

Kum 2018-19 atang khan NCERT, NIEPA, CBSE, NCTE, NIOS, KVS, NVS, National Bal Bhawan(NBB) te chu he repository-ah hian telh belh an ni.

Monitoring


State leh UT te hnathawh that leh that lohte, zirna lama tehna hrang hrang (key educational indicators)-a an hmasawn dante Shagun-a endikna (monitoring module) hian a chhawpchuak a. Monitoring hian sum hman dan te, zirna lama tehna hrang hrang (key educational indicators)- a an thlen chin te, zirna kalpui dan tur ruahman lawkna (online planning) te, thlenpui tumna siam (goal setting) te, physical targets leh zir chhuah tum (outcome) te a huam a ni.



State leh UT-a sawrkar leh private school-ah te enrolment tam leh kiam dan, sikul kal lo naupang zat, zirna atan sum hman dan zawng zawng graphics-a en theihin he portal-ah hian a awm a ni.

Shagunotsav

Ramchunga sawrkar sikul zawng zawngte chu August leh September thla chungin tlawh chhuaha endik vek tur a ni. Hei hi Census based audit niin state leh UT-a government leh government aided sikul nuai 11.85-ah September, 2019 chhunga kalpui vek tur a ni a, primary sikul nuai 7 dawn hei hian a huam tel bawk. School based paraemters data hi Unified District Information System for Education (UDISE), SHAGUN, Project Monitoring System (PMS) leh Performance Grading Index (PGI) tool hmanga lakhawmin sikul dinhmun chu teh vek tur a ni. Amaherawhchu sikul hi field visit atang ringawt chuan tihchak leh tihhmasawn theih a ni lo. Central Prabhari Officers in feedback-a a tarlan danin sikul tam tak chu tlawh an ni khat hle a, a then te phei chu tlawh miah loh te pawh an awm bawk. Hemi avang tak hian school based census hi sikul tinah kalpui a tul tak meuh meuh a, sikulin infrastructure facility te, zirtirtute leh zirlai an nei tha em tih te leh school management leh khawtlang thawh hona a tha em tih hriat nan te a pawimawh em em a ni.



School census hi UDISE+, PGI leh Shagun-a tehma siamahte a innghat tur a ni. NAS/School Based Assessments hi buatsaih leh mai tur a nih avangin Learning Outcome-a tehnate hi chu hman ve tur a ni lo. Chhanna hmuh te hi school mamawh hriat nan leh policy duanna tur atan te tangkai hle tura ngaih a ni. He Programme guideline tur hi April ni 25, 2019 khan tichhuah a lo ni tawh a ni.

Recognising Good Performance

Zirtirtute tan National Award

Heng chawimawina te hi 1958-a bul lo tan tawh a ni a, kum 1960 bawr chho vel atang khan India ram President hlui Dr. Sarvapalli Radha Krishnan-a piancham denchhenin September 5 chu Award hlanna ni atan hian hman thin a lo ni ta a ni. Hemi hun chung hian Award hi zirtirtu 378 lai hnenah hlan a ni tawh a, amaherawhchu Award hian a hlutna a hloh tial tial em aw tih ngaih dan pawh a awm tho bawk.

National award lian dangte zulzuiin he scheme kaihhruaina hi kum 2018 khan ennawn a ni a. Ennawn a nih hnu pheih hi chuan he scheme hi a langtlangin a felfai zawk mai bakah a thawk tha leh ti tha tak takte a thlang chhuak a ni.

Scheme thar kalphung:

1. Zirtirtuten anmahniin online self-nomination hmanga dil theih tura tih a ni a, www.mhrd.gov.in ah hian dil theih a ni. Web Portal hi Administrative Staff College of India (ASCI) siam a ni a, a software pumpui hi buai leh harsatna awm miah lo tura siam a ni bawk.
2. Ram pum atangin zirtirtu 6000 vel dilna a lut a, hei hian chiang taka a tarlan chu he bul tan tharna hi a hlawhtling hle tih a ni.
3. Zirtirtu thawk nghet tawh phawt chuan an dil theih a, thawh rei tawh leh tawh lohina dal loh avangin zirtirtu thawk tir thiam si, la naupang bawk si tan pawh kawng a inhawng a ni.
4. Award awm zat hi 45-ah siam rem a ni a, hei hian award hlutna a belhchhah a ni.
5. A dawngtu thlan turah hian State, UT leh eng pawl mahin quota an neih theih loh avangin a diltu tur tan pawh a phurawm dawn hle a ni.
6. National level-ah thu tawp siama thlang chhuaktu awmin chumite chuan state, UT leh Pawl hrang hrang tena candidates 152 an theh luh chu an thlir hova, candidate tinte hian an hmaah presentation an nei vek bawk. Chuta tang chuan tehma hrang hrang hmanga

an teh hnuah zirtirtu chawimawina dawng tur mi 45 an chhawp chhuak ta a ni.

September ni 4, 2018 khan Prime Minister chuan lawmpuiin chawimawina dawngtu zirtirtute hi kawmna a nei a, hemi mai bakah hian kan Prime Minister zahawm tak hian chuan tweeter-ah te zirtirtu chawimawina dawngtute nena an inkawm hona hi a tarlang nghe nghe bawk.


Zirtirtu chawimawina dawngtute hi zirna kawnga thil chhinchhiahtlak tak tak titute an ni hlawm a. Jharkhand atanga chawimawina dawngtu Arvind Jajware leh Vikram A bsul-a Maharashtra amite chuan a hun lova sikul chhuahsan a lo reh nan leh enrolment pun theih nan joyful learning nasa takin an kalpui a. Gujarat mi Rakesh Patel leh Rajasthan lam mi Imran khan-a te ve thung chuan sikul hi inzirna hmun tak tak a nih theih nan ICT hmang tangkaiin, naupangte nuam tih zawngin activity based learning an kalpui a. Karnataka mi Shaila R.N. ve thung chuan naupangte hman tangkai theih tura sikul hmanrua te a lo changtlun theih nan nasa takin khawtlang tanpuina a seng lut a ni. Sikkim zirtirtu Chomu Bhutia pawhin sikul-a hming ziak an pun theihna turin rim taka thawkin hma a la a, a hlawhtling hle bawk a ni.



September ni 5, 2018 khan India ram Vice President chuan Vigan Bhawan-ah heng zirtirtu thlanchhuahte hi chawimawina hlanin, he hunah hian chawimawina dawngtu zirtirtute film hi an thlir ho nghal a ni.

Swachh Vidyalaya Puraskar hnuacia sikul fai ber thlan chungchang

Department of School Education leh Literacy chuan 2016–2017 khan District, State leh National level-ah Swachh Vidyalaya Puraskar (SVP) a din



a, hei hi Swachh Vidyalaya hmalakna puitu leh belhchhahtu atana ruahman a ni. Sikul fai thlan hian a tum ber chu faina chungchangah hmasawna tak tak a thlen theihna tur leh a tha zawnga danglamna a thlen theih nana siam ni a, Swachh Puraskar hian sikula tui thianghlim in tur a awm theih nan te, inthiarna thianghlim leh hriselna chungchangah hmasawna a lo awm theih nan nasa takin hma a la reng a ni. Award dawng thei tur hian sikulte hian website-ah online leh mobile App hmangin an dil thin a ni. Swachh Vidyalaya Puraskar 2017–2018 phei hi chu sawrkar sikul chauh ni lovin private sikul te pawhin an dil thei vek tawh bawk.

Swachh Vidyalaya Puraskar 2017-18

SVP 2017-18 hian sikul chhanna a dawng hnem em em a, sikul 6,15,152 lai mai online in an in register a ni, chhanna hi a hma kum aiin a let in a tam a ni. State leh UT ten National level a thlan tur atan sikul 727 an rawn chhawp chhuak a, chung sikul thlan chhuahte chu ngun tak leh chik taka endik a nih hnua a tha zual sikul 52 te chu National Awards for SVP 2017–2018 chawimawina dawng tura thlan an lo ni ta a. A titha zual heng state pali Puducherry, Tamil Nadu, Gujarat leh Andhra Pradesh te leh district tha zual pakua thlanchhuah Pondicherry, Srikakulam, Chandigarh, Hisar, Karaikal, Latur, Nellore, South Goa leh Vadodara te hnenah hian September ni 18, 2018 khan chawimawina hlan an ni.

Award dawng tur school thlannaah hian tehfung panga hman a ni a, chungte chu i) tui ii) inthiarna iii) sahbawna kut silfai iv) a taka hman leh enkawl zui dan v) Behavior change leh capacity building. School tha ber thlan chu lawmman atan certificate leh Rs. 50,000/- pek an ni a, Pawisa hi sikul hriselna leh faina lama hmalak chhunzawm theihna tura tih a ni.

State leh UT in Best Practices an neihte:

‘Nali Kali’, Karnataka

Nali Kali hi multi-grade classroom naupangte puala siam a ni a, heng hmunahte hian ziak leh chhiar zir bakah an creativity hai chhuahsak theihna turin a hlimawm zawngin zirna an kalpui thin a ni. Kum 2009–2010 khan Karnataka state-ah chuan Nali Kali hi Sawrkar enkawl Kannada medium school pawl 1 & 2-ah bul tanpui a ni a. Nali Kali-ah hian zirlai naupangte chuan buai tak si, nuam ti tak siin an zir a, hei hian zirtirtu phurrit nasa takin a tittlemin, naupangten exam an hlauhna a tireh bawk. Nali Kali

kalphung hian zirtirtu chu thuneihna a pek mai bakah naupangte chu hlimawm tak leh tlangnel takin zirna boruak a siamsak a ni. Zirna chu kalphung mumal leh awmze nei takin




kalpui niin

naupangte chu group-ah te inthenin an zir ho va, group pakhatin an zir thiam te group dangin an thiam ve theih nan group awmna te an inthlakthleng thin a ni. Zirtirtu chuan thawnthu hmang te, hla hmang te, game hmang te leh zirtirtu

in zirtirna tura hmanrua a siam chawp hmang tein zirtirna a kalpui a ni. Naupangte group-a then a, non-formal mode a thiamtir an nih hian an thil thiam hi an hre rei tura beisei leh rin a ni. He kalphung hian zirna chu a zangkhai leh hlawk si a kalpui hi a tum a ni.

'Ganitha Kalika Andolana' (GKA), Karnataka

Karnataka state hian zirlai naupangten numeracy skills an neih theih nan mathematics learning movement program a kalpui a, he movement hi sawrkar primary school naupangteah kalpui a ni. Mathematics hi sikula thiamna leh zirna tan chhoh zelna tur atana a bul thut pawimawh tak nia ngaihna lian tak a awm avangin he kalphung hi kalpui a ni. He programme hian a tum ber chu naupangten mathematics-a harsatna an tawhte sutkian a lo nih theih nan anmahni ngeiin an tih ve hmanga thiamna te, a awmze hre lo leh kalphung ni lova thiamna chu an thiante nena tihova an thiam theihna tura kalpui niin, ngaihtuahna fim hman thiam leh nitin nuna mathematical problem-te an sutkian theihna tura kalpui a ni bawk. Hengte bakah hian sikulah Math Teaching Learning Materials (TLMs) semin zirtirtute hnenah training leh tanpuina pek niin, zirlai naupangten an thiam tur ang an thiam em tih en nan Android based application hman a ni bawk. He hmalakna hian nasa takin mathematics thiam turin naupangte a pui a ni.



BEST PRACTICES IN STATES AND UTs 'NALI KALI', KARNATAKA

ABL hi classroom-ah a tha zawnga hmasawna a lo thlen theihna tura duan a ni a, zirlaiten activity based-a an inzir thiamna tura duan niin, NGO pakhat Rishi Valley Education Centre hovin experiment an lo kalpui tawh dan zulzuia siam a ni a, anniho hi joyful learning programs leh intensive teacher training avanga hmingthang an ni. ABL-ah hian zirtirtu chuan tih dan phung pangngaia lecture satliah lovin puitu tha tak a ni a, zirlaite chu phurawm leh awmze nei takin anmahni hmang tangkaiin a zirthiampui thin a ni.

ABL classroom-ah hian zirlaite zir chhuah tur chu card leh zirna hmanraw dang chi hrang hrang siam sa chhawp a ni a, an kum mil leh thiamna level azir zela an thlan turin heng hmanruate hi chhawp vek a ni. Hetiang anga zirna kalpui a nih hian zirlaite chuan an zir tur card-a awm chu anmahniin an thlangchhuak a, hei hian naupangte chu naupang te an nihlai atangin duhthlanna siam a thiam tirin, an attendance anmahni ngeiin an thal thinte chuan mahni inrintawkna tha tak a pe a ni.

Sapna ki Udaan Programme: Sapnoki Udaan Programme: Mobile School hmanga sikul lut lo naupangte lehkha zirtir (Uttarakhand)

Right to Education thil tum pakhat quality education kal zela tur atan Mobile school –Multi Purpose Vehicles siam a ni a, hemi hmang hian mipui nawlpui te zingah awareness leh campaign te neih thin a ni. Heng lirthei sikul hi zirna hmanrua chi hrang hrang te leh multi-media system tea thuam a nih bakah zirtirtu tur mi thiam tak tak te an awm a, heng hmang hian zirna in a tum leh zirna chungchanga inhrilhrinatna kalpui thin a ni. He hmalakna hian a tum ber chu naupang sikul lut lote zawngchhuah a, an thenawm hnaia sikula mite thiamna ang an kum mil tawk zel a pek a ni. He thil hian sikul lut lo naupang tam tak sikulah hip khawmin an chhungte hnenah pawh sikul kal pawimawhna nasa takin a hriattir a ni.

Multilingual Education (MLE), ODISHA

Multilingual Education hi naupangten an chenna hmun, state leh ram tawngah te rual an pawl ve phak nan an rilru leh ngaihtuahna tihmawsawna tura programme duan a ni a. An pianpui tawng an thiam phawt ang a, chumi hnuah second (Odia) leh third language (English). Odisha state-ah hian naupangte chu Odi tawng hmanga zirtirna pek an ni a, hei hi tribal naupang pianpui tawng Odia ni lote tan chuan thiam tura beih fe ngai a ni thung. An textbook-te Odia a ziah vek a nih avangin tribal

naupang te tan chuan hriatthiam a harsa a, pawl ngaiah te an suk nawn phah fo a ni.


Mother tongue based Multilingual Education (MLE) programme-ah hian naupangten an pianpui tawngin zirna bul an tan phawt a, chumi dawtah chuan zawi muangin tawng dang an zir chho ve chauh a ni. Naupangten an pianpui tawnga zirna bul an tan hian an thiamna a nghet a, anmahniah inrintawkna a pe a ni. MLE programme hi tribal tawng chi hrang 21 hmanna sikul hrang hrang leh tribal te chen tamna district 17-ah a taka kalpui a ni.

‘Pragna’: Activity based Learning Gujarat-in a kalpui dan

Bhavnagar a Daxinamoorti school-a mi Shri Gijubhai Badheka hma lo lak tawhna avangin Gujarata state-ah hian Activity based joyful learning hian zirtirna kawngah hmun thuk tak a lo luah tawh a. Gunotsav 1 (2009) chuan naupangten pawl 5 an zawh hnuah pawh ziak leh chhiar bakah chhiarkawp te a bul thut an man tawk lo a ni tih hmuh a ni a. Zirchianna neih a nih hnuah zir thiamna tak tak thleng thei tur chuan an inzirtir dan chhui chian a ngai a ni tih hmu chhuakin state level Pedagogy workshop te buatsaih hial a ni. He workshop-ah hian zirtir dan chi hrang hrang chhawp chhuakin sawi ho a ni a, ngun taka sawi ho a nih hnuah ABL kalphung tha taka kalpui a, zawm nise ti a thutlukna siamin Rushi Velly Model(MGML) chu hman tura thlan a ni ta a ni. Tichuan MGDL chu her danglamin ABL-Pragna (Pravrutti dwara Gnan) kalphung hi a lo chhuak ta a ni. State level core team dinin anni hian state danga MGML hmang ho te zirchianna te an nei bawk. He core team bawk hian UNICEF nen tangdunin ABL-Pragna kalpuina tur hmanrua an duang a, ABL- Pragna hian heng learning cycle - Introduction-Practice-Evaluation te hi kalpui tur a ni.

Details of the initiatives

- Zir tur hi activity flem te te in a inthliar hrang a, activity tin hian card hran an nei theuh a ni.
- Zir turte chu mumal taka in lalawnin, activity pakhat an thiam hnuah hmasawn chho zel turin a dawt lehah an kai zel.
- Naupangte chu group chi hrang pali-ah thenin, mimal tinin hma an sawn chhoh zel dan azir zelin an awmna group an thlak ang.
- Interactions chi thum (zirtirtu-naupang, naupang-naupang, naupang-hmanrua) kalpui a ni.



- Learning cycle pathum – Introduction, Practice leh Evaluation te hi naupang tinin an zawm vek a ni.
- Englai pawhin an thiam leh thiam loh teh hi Pragna kalphung a nih angin naupangte chu rahbi tinah teh an ni.

A rah chhuah

Scholastic achievement-ah naupangten nasa takin hma an sawn. Uluk taka zirchianna tum thum ngawt neih a ni tawh a, zirchianna hmasa ber chu Pratham in a nei a, a vawi hnihna UNICEF leh Education lama hma latuten an nei a, a pathumna chu Gujarat sawrkar a Evaluation department in an nei thung a ni. Heng zirchianna pathumin a hmuhchhuah chu Pragna sikul atanga zir chhuakte chuan Pragna sikul ni lo naupangte aiin an titha daih zawk tih a ni. Hemi mai bakah hian Pragna classroom hi inclusive classroom a ni a, a chhan chu group awmna an inthlak kual thin avangin zirlai tinte chuan naupang dangte nen thawh hona hun an neih theih phah a ni.

Learning achievement- a hmasawmna mai bakah hengahte hian a thatna hmuh a ni.

- Private sikul te pawhin he zir dan kalphung hi tha an tih em avangin an sikulah an hmang ve.
- Zirtirna hi interactive leh innovative a kalpui a nih avangin, tawng, ngaihlak leh creative thinking-ah practice-na tha tak a pe a, hei hian tawng thiamna leh mahni inrintawkna a pe a ni.
- Zirlai naupangten phurrit tel lovin an zir thiam a, experience tha tak an nei bawk.
- Project work leh field work an neih thin chuan a tak taka thil tawn a neih hnemtir.
- Naupangten thil siam zirna hun tam tawk neiin, an thil siam chhuahte chu midangte entirna hun tam tawk an nei.

He programme hi 2010 khan sikula 256-ah tan a ni a, zawi zawia pung chhovin 2017-18 ah chuan sikul 22000 laiah hman a ni ta a ni. Tihdanglam ngaite tidanglam zel chungin 2018-19 ah chuan state chhunga sikul zawng zawngah Pragna hi kalpui a lo ni ta ni.

MID-DAY MEAL: NEW APPROACHES


Enrolement a lo pun zel nan te, attendance that nan leh naupangten sikul ho te tea an chhuahsan loh nan leh naupangten ei tur hrisel leh tha an ei theih nan Centrally Sponsored Scheme pakhat 'National Programme of Nutritional Support to Primary Education (NP-NSPE)' tia vuah chu kum 1995 August ni 15 khan hawn a ni a. He scheme hian 2008-09 khan huang zauhin upper primary classes a huam chhova, a scheme hming pawh 'National Programme of Mid-Day Meal in Schools' tia thlak a ni a, a scheme hming hi Mid-Day Meal Scheme (MDMS) tia hriat lar zawk a ni nghe nghe. MDMS hian Government leh Government-aided sikul te, Special Training Centres (STCs) te leh Madrasas & Maqtabas in Samagra Shiksha hnuaia a support zawng zawng pawl 1 – VIII zirlai naupangte a huam vek a ni.

Mid-Day Meal Scheme-in a tum bulpui ber chu naupangten ei tur tha leh hrisel an ei zel theih nan a ni a, hemi bakah hian India rama naupang ei tur tha ei pha lo leh nei lo ten ei tur hrisel leh tha an lo ei ve theih nan a ni. Primary Sikul naupangten ei tur 450 calories leh Upper primary sikul naupangten 700 calories an ei ziah theih nan MDM chuan Guidelines-ah a tarlang hial a ni.

Mid-Day Meal scheme hian kum 2018-19 chhung khan sikul nuaih 11.34 a zirlai naupang maktaduai 9.17 te hnenah mid-day meal a pe a ni.

Sikul Nutrition garden siam

Sikul compound-ah thlai chinna tur huan siam a ni a, hei hi Sikul Nutrition Garden tia vuah a ni a, henga thlai tharte hi mid-day meal atan an hmang tangkai thin a ni. Nutrition garden siam hian a tum ber chu eitur hrisel leh tha ei thei lo ten an lo ei ve theih nan te, taksa mamawh tlakchham neiten an taksa mamawh an dawn theih nan leh naupangten huan siam a, thlai chin dante an thiam ve theih nan a ni. Nutrition garden siam tur hian hmun zau tak pawh a ngai kher lova, hmun awl tlem a awm chuan a siam theih mai zel a, bur ruakah te, ip ruakah te, bawm ruakah te lei dahin thlai a chin mai theih a ni. Nutrition garde- a thlai leh thei thar chhuahte chu mid-day meal chawhmehah a hman mai theih a ni. Thlai chi hrang hrang, mai te, balhla te, um ei te, antam leh thil dang tam tak awlsam te-in Nutrition garden atang hian a thar chhuah mai theih a ni. Nutrition garden siamna kawngah hian state leh hemi lama line department entir nan Krishi Vigyan Kendra te, Agriculture/Horticulture department te, Food and Nutrition Board te leh State Agriculture Universities te tangrualin hma an lak pui thei a ni.



Module 5

Mid-Day Meal Scheme-a 'Flexi fund component for innovative interventions' hnuaih hian Sikul Nutrition garden ten thlai chi leh hmanraw dangte an leina tur sikul pakhat tan zel Rs. 5000/- ruahman a ni a, hei hi Centre leh State leh UT tena an in chawi tawm tura tih a ni. Siam that ngaite siam thain he ruahmanna kalpui tak tak tura thuneihna hi District Magistrate chair-na hnuahia District Level Committee kutah dah a ni a, committee hian uluk taka thlirin fund hi sikul tin Nutrition garden tanpuina atan Rs. 5000/- hi a pe ang a, thlai chi leh thlai tiak te Agriculture leh Horticulture department atangin an dawng dawn bawk a ni. Hei bakah hian Mahatma Gandhi National Rural Employment Guarantee Scheme (MNREGS) leh Ministry of Rural Development te puihnain sikul compound hungna tur ruahman a ni bawk a, he ruahmanna hi Master Circular - (A guide for Programme Implementation Financial Year 2018-19, Ministry of Rural development in a tih chhuah) a tarlan anga kalpui theih a ni a, MNREGS in item a a huam chin a ni tur a ni. Sikul nutrition garden thlalak te hi a tanpuitu thuziak tlem nen MDM-MIS portal-ah thla thum danah upload thin tur a ni ang.

Tithi Bhojan

Tithi Bhojan hi sikul naupangteah additional nutrition pekna atana State leh UT tena bul an tan a ni. A kalphungah chuan hun bik heng Kut chi hrang hrangah te, anniversaries leh piancham lawm hun hrang hrangah te, Ni pawimawh bikah te hian khawtlangin sikul tan ei tur an buatsaih ang, ei tur zawng zawng an tum theih loh pawhin a then azar tal an tum ang. Tithi Bhojan hi Mid-Day Meal thlakna tur ni lovin, a lo puitu pakhat a ni tih hi hriat tur a ni. Tithi Bhojan kalpui dan tur kaihhruaina hi MHRD pawhin a lo chhuah tawh bawk. Tithi Bhojan hi state leh UT thenkhatin an lo kalpui tawh a, chungte chu – Assam (Sampriti Bhojan), Andhra Pradesh (Vindhu Bhojanum), Dadra and Nagar Haveli (Tithi Bhojan), Haryana (Beti Ka Janamdin), Karnataka (Shalegagi Naava Neevu), Madhya Pradesh, Maharashtra (Sneh Bhojan), Chandigarh (Tithi Bhojan), Puducherry (Anna Dhanam), Punjab (Priti bhojan), Rajasthan (Utsav Bhoj), Tamil Nadu (Nal Virundhu) and Uttarakhand (Vikhesh Bhoj).

Ministry of Health and Family welfare te nena hmalakna

MDM hnuaiia health & Nutrition chungchangah Ministry of Health and Family Welfare te nen tang dunin hetiang hian hmalak a ni.


1. Rashtriya Bal Swasthaya Karyakaram (RBSK) hnuaiia elementary sikula zirlai zawng zawng (I-VIII) leh kum 6 -14 te tan health check up neih thin a ni. Hemi kawnga hma la tur hian state leh UT thurawn pek an ni.
2. Ministry of Health and Family Welfare te nen tang dun hian Micro-nutrients sem thin a nih bakah Weekly Iron and Folic Acid Supplementation Programme (WIFS) hnuaiia damdawi mum - Iron leh Folic Acid (IFA) naupangte eitir thin an ni.
3. Naupangte hnenah kum tin tum hnih rulhut damdawi (Albendazole-400) sem ziah a ni.

Cooking Competition

Kum 2019-2020 chhung atana hmalakna tur atan cooking competition buatsaih tur a ni a, heta ei tur an siam hi mid-day meal a hman nghal theih tur a ni. Cooking competition-in a tum te chu –

- Cook leh helper-te chawhpur nan thlai chi hrang hrang siam nana recipes hmang tha leh tam hnena lawman pek
- Thlai leh chawhmeh an ei thin pangngai hmanga mid-day meal buatsaih
- Mid-day meal buatsaih kawnga khawtlang teltir
- Endiktu atan sikul naupang hman (primary leh upper primary atangin pakhat ve ve), a chhan chu mid-day meal hmang tangkai tak taktu an nih avang a ni.

Hengte bakah hian cooking competition-ah hian expert sawm tel an ni ang a, a titha ber chu chawimawina lawmman pek an ni bawkan ang.



IMPLEMENTATION OF *SAMAGRA SHIKSHA*, MDM AND SOME BEST PRACTICES

Sikul tina head-te leh zirtirtute chuan heng Samagra Shiksha, MDM leh best practices thenkhat a provision-te hi a hlawk thei ang bera an hman tangkai theih nan school level plan an siam a ni. Tin, heng provision te hi a takin hman a ni ngei em tih hriat nan an sikul activity te an ennawn thin tur a ni a, classroomah hman tangkai a ni em tih hriat nan plan mumal tak an siam tur a ni bawk. Heng eco club, youth club, library leh a dangte hian classroom-a an zirna a pui tha em tih an chian fo tur a ni.

Activity

Mi 6 zel awmna group siam la, chung group-te chu heng hmalakna hrang hrang te leh harsatna awm theite sutkhian dan sawi hotir la, group tinin an sawiho chu report pektir leh ang che.